

**Nunani allani ilisimatusarfiit suleqatigalugit ilisimatusarfimmi ilisimatusarfigineqarsinnaasut saniatigut interneti atorlugu ungasianiit ilisimatusartoqarsinnaanera pillugu Naalakkersuisut misissueqqullugit peqquneqarnissaannut aalajangiiffigisassatut Inatsisartunut siunnersuut.**

(Inatsisartunut ilaasortaq Justus Hansen, Demokraatit)

**Akissuteqaat**

(Kultureqarnermut, Ilinniartitaanermit, Ilisimatusarnermut Ilageeqarnermullu Naalakkersuisoq)

**Siullermeerinnineq**

Naalakkersuisut siunnersuuteqartoq isumaqatigaat, soqutiginassasoq misissussallugu qanoq periarfissaqarnersoq ilisimatusarfimmi ilisimatusarfigineqarsinnaasut saniatigut ilisimatusarfiit allat suleqatigalugit ungasianiit ilisimatusartoqarsinnaanera.

Tamatumunnga atatillugu Naalakkersuisut ilisimatitsissutigissavaat, ilisimatusarfiup internet aqqutigalugu suleqatigiinnissamut periarfissat ullumikkut atuuttut misissorniarmagit.

Suliaq ilisimatusarfimmit misissuiffigineqareerpat, Naalakkersuisut tamatuma inerneranik Inatsisartut ilisimatissavaat.

Naalakkersuisut inassutigaat, siunnersuut akuersaarneqassasoq.